

MIZORAM LEGISLATIVE ASSEMBLY

Governor
HITESWAR SAIKIA

Speaker
HIPHEI

Deputy Speaker
VANLALNGENA



MINISTER WITH PORTFOLIOS.

- | | |
|---------------------------------------|---|
| 1. Pu Lal Thanhawla
Chief Minister | <ol style="list-style-type: none"> 1. Excise & Taxation Deptt. 2. Finance Department 3. General Admn. Department. 4. Home Department 5. Industries Department 6. Information & Public Relations Deptt. 7. Personnel & Administrative Reforms Department. 8. Public Works Department. 9. Political & Cabinet Deptt. 10. Power & Electricity Deptt. 11. Public Health Engr. Department. 12. Printing & Stationary Department. 13. Secretariat Admn. Deptt. 14. Sports & Youth Welfare Department. 15. Vigilance Department. 16. Tourism Department. |
| 2. Pu J. Lalsangzuala
Minister | <ol style="list-style-type: none"> 1. Civil Supply Department 2. Transport Department. 3. Cooperation Department. |
| 3. Pu C. L. Ruala
Minister | <ol style="list-style-type: none"> 1. Environment & Forest Deptt. 2. Agriculture Department. |
| 4. Pu Rokanlova
Minister | <ol style="list-style-type: none"> 1. Rural Development Department. 2. Planning & Programme Implementation Department. 3. Labour & Employment Deptt. 4. Soil Conservation Deptt. |
| 5. Pu H. Thansanga
Minister | <ol style="list-style-type: none"> 1. Education & Human Resources Deptt. 2. Law, Judicial & Parliamentary Affairs Department. |
| 6. Pu Zalamma
Minister | <ol style="list-style-type: none"> 1. Land Revenue & Settlement Deptt. 2. Local Admn. Department. |

MINISTER OF STATE

- | | |
|---|---|
| 1. Pu S. Hiato
Minister of State | <ol style="list-style-type: none"> 1. Health & Family Welfare Deptt. 2. District Council Affairs Deptt. |
| 2. Pu P. Siamliana
Minister of State | <ol style="list-style-type: none"> 1. Social Welfare Department 2. Trade & Commerce Deptt. 3. Rehabilitation Department. |
| 3. Pu Nirupam Chakma
Minister of State | <ol style="list-style-type: none"> 1. Sericulture Department 2. Animal Husbandry & Veterinary Deptt. |

LIST OF MEMBERS OF SECOND MIZORAM STATE LEGISLATIVE
ASSEMBLY

No. & Name of Constituency	Name of Members
1. Tuipang	Pu Hiphei, Speaker
2. Saiha	Pu S.Hiato, Minister of State.
3. Sangau	Pu H.Rammawi
4. Lawngtlai	Pu F.Manghnuna
5. Chawngte	Pu Nirupam, Minister of State
6. Tlabung	Pu Hari Kristo Chakma.
7. Buarpui	Pu P.Lalbiaka
8. Lunglei South.	Pu F.Sapa
9. Lunglei North	Dr. R.Lalthangliana
10. Tawipui	Pu P.Siamliana, Minister of State
11. Vanva	Pu R.Romawia
12. Hnahthial	Pu Vanlalnghake
13. North Vanlaiphai	Pu C.L.Ruala
14. Khawbung	Pu K.Vanlalauva
15. Champhai	Pu Zoramthanga
16. Khawhai	Pu J.H.Rothuama
17. Saitual	Pu Andrew Lalherliana
18. Khawzawl	Pu Tawnluia
19. Ngopa	Pu Zosiama Pachuau
20. Suangpuilawn	Pu Vanlalngena
21. Ratu	Pu Lalrinchhana
22. Kawnpui	Pu Vaivenga
23. Kolasib	Pu Aichhinga
24. Bilkhawthlir	Pu Zalawma, Minister
25. Lokicherra	
26. Kawrthak	Pu Saikapthianga
27. Mamit	Pu Lalhuthanga
28. Phuldungsei	Pu Liansuama
29. Sateek	Pu Lalrawnlina
30. Serchhip	Pu Lal Thanhawla, Chief Minister
31. Lungpho	Pu P.C.Bawitluanga
32. Tlungvel	Pu P.C.Zoramangliana
33. Aizawl North I	Pu Rosangliana
34. Aizawl North II	Pu H.Thansanga, Minister
35. Aizawl East I	Pu John Lalsangzuala, Minister
36. Aizawl East II	Pu Rokamlova, Minister
37. Aizawl West I	Pu J.Thanghuama
38. Aizawl West II	Pu Rualchhina
39. Aizawl South I	Pu R.Tiangmingthanga
40. Aizawl South II	Pu Laldenga.

A CHHUNGA THU AWMTE.

<u>1. THUTKHAWM VAWI 1 NA - 30.1.1989</u>	<u>Page No</u>
1. List of Business	" 1
2. Protem Speaker ruatna	" 1-2
3. Member te thutiamna	" 2-3
4. Speaker thlanna	" 3-4
5. Dy.Speaker thlanna	" 13
<u>11. THUTKHAWM VAWI 2 NA - NI 31.1.1989</u>	
1. List of Business	" 14
2. Motion of Thanks	" 15
<u>11. THUTKHAWM VAWI 3 NA - NI 1.2.1989</u>	
1. List of Business	" 16
2. Discussion on Motion of Thanks	" 16-52.

PROCEEDINGS OF THE FIRST SESSION OF THE SECOND MIZORAM
STATE LEGISLATIVE ASSEMBLY

FROM 30th JANUARY 1989 to 1st FEBRUARY 1989

FIRST SITTING ON 30th January 1989

P R E S E N T

Pu Vaivenga, Protem Speaker at the Chair, Chief Minister,
8 Ministers and 29 Members were present.

B U S I N E S S

- (1) Oath/Affirmation by members.
- (2) Election of Speaker.
- (3) Election of Deputy Speaker.

PROTEM SPEAKER : Josua h̄ena "athian thutiam i lo
ngaithla ang u:

"Thu ka pe che a ni lawm ni ? Chak
tak leh huai takin awm rawh; hlau suh la, zam hek suh;
Lalpa i Pathian chu i kalna apiangan i hnenah a awm zel
dawn alawm," tiin a sawi a. (Josua 1 : 9)

Vawinah hian Mizoram State a neih
hnua Legislative Assembly vawi 2-na atana member thlan thar
ten thutianna in nei dawn a, chu thutiama buaipuitu tur
Protem Speaker Mizoram Governor in a rawtna lehkha kan
Secretary in han chhiarchhuak sela.

SECRETARY : 27.1.1989 " In pursuance of sub-rule
(4) of Rule 7 of the Rules of Proce-
dure and Conduct of Business in Mizo-
ram Legislative Assembly, read with clause (1) of Article
180 of the constitution, I, Shri Hiteswar Saikia, Governor
of the State of Mizoram, hereby appoint Shri Vaivenga, a
newly elected member of the State of Mizoram Legislative

Assembly to perform the duties of the Speaker from the commencement of the first meeting of the Second Legislative Assembly of the State of Mizoram until the Speaker shall have been chosen by the said Assembly under Article 178 of the Constitution".

Hiteswar Saikia,
Governor of Mizoram.

PROTEM SPEAKER : Aw le, tunah thupek, Protem Speaker ruatna chu chhiar chhuah a lo ni ta a, tunah hian kan tih leh tur chu member ten thutiamaan neih a ni ong a, Chief Minister leh a thawhruiten thu an tiam hmasa ang .; tichuan thu kan tiam theihna tura thupek a chu kan Secretary in han chhiarchhuak sela.

S E C R E T A R Y : Order of his excellency the Governor dated January, 27th, '89 "In exercise of the powers conferred by Article 188 of the Constitution, I, Hiteswar Saikia, Governor of the State of Mizoram hereby appoint : (a) Shri Vaivenga a member of the State of Mizoram Legislative Assembly until the Speaker is chosen by the State of Mizoram Legislative Assembly, and (b) thereafter, the Speaker, or the Deputy Speaker or other person acting as Speaker under clause (2) of Article 180 of the constitution.

as the person before whom the oath or affirmation may be made and subscribed by the Members of the State of Mizoram Legislative Assembly,

Hiteswar Saikia,
Governor of Mizoram.

PROTEM SPEAKER : Awle, tunah hei kan Governor thupek chu chhiarchhuah a ni leh ta a, kan sawi tak ang khan kan

Chief Minister leh Minister ten thutiamna an nei hmasa ang a, tin, mamberte thutiam dan tur chu Constituency serial number ind-wt dan ang khan tih a ni ang a. Tunah thutiamna kan nei ang a. Tuna thutiamna kan neih tur hi member tinte hnenah khan engtawng a tih nge in duh tih zawh vek an ni a, member tinte duhdan ang in Mizo tawng a tih a ni dawn a.

(Member ten thutiamna an nei a).

PROTEM SPEAKER : Kan Bulletin kha in lo chhiar ang a, tuna kan tih tur chu Speaker thlanna a ni dawn a, chutah chuan candidate te an awm em tih kan Secretary in han chhiarchhuak sela.

SECRETARY : Candidate turin Speaker atan pakhat chauh nomination kan hmu a, chu chu Protem Speaker in a chhiarchhuah tur a ni.

PROTEM SPEAKER : Awle, tunah Speaker thlanna kan nei ang a, candidate pakhat chauh kan nei a, chumi inlekhka chu kan chhiar chhuak ang e.

To,

The Secretary,
Mizoram Legislative Assembly,
Aizawl : Mizoram.

Sir,

Under sub-rule (2) of Rule 7 of the Rules of Procedure and Conduct of Business in Mizoram Legislative Assembly, I give notice of my intention to move the following motion in the House on the 30th that Shri Hiphei, a member of this House be elected as the Speaker of this House. I have ascertained that Shri Hiphei is willing to serve as Speaker, if elected.

Hemi a tawttu chu Pu Zoramangliana a ni a. Tin, a seconder ah Pu Andrew L. Herliana a ni a.

Tichuan, hei hi dan ang taka Speaker tura rust na chu a ni a, rawtna dang a awm hauh lova, chuvangin tuna Pu Hiphei chu chuhtu awm lova Speaker a thlantlin a ni tih ka puang e. (Member ten kut an beng a) Khawngaih-takin House Leader in hetah hian kan Speaker thlan thar Pu Hiphei chu a rawn hruai ang a. Chibai bukin kan inhlan ang a. Chumi hnuah a duh apiangtan thusawina tawite a awm ang a. Tin, amah pawhin thusawi duh tawi te pawh a nei thei a. Tunah House of Leaderin khawngaih-takin Pu Hiphei chu hetah rawn hruai sela. Dan ang chuan Opposition Leader awm ve sããa, an pahniha kan Speaker thar chu rawn hruai tur anni a, mahse anni an awm ta lova, (Member ten kut an beng a)

S P E A K E R : Tunah Speaker thlanna kan lo nei ta a. Speaker thlan churg-changah hian sawi duh nei kan awm chuan sawina hun ka hawng e.

PU LAL THANHAWLA : Pu Speaker, vawinah hian he CHIEF MINISTER House zahawm takah hemi House chhunga dinhmun sang ber Speaker nihna ah chuhtu awmlova tluang taka thlan i ni hi thinlung takin ka lawmpui che a. He kan House hi a zahawmna ang ngei a i kaihhruai a, Ruling party emaw, Opposition party emaw, hleih nei lova dik taka i kaihhruai ka duh a. Member te kan dikna min humhalha tul hun apiangah, chhan ka tul hunah min chhan a, chutianga he mi House member te nihna kan right and privilege zawng zawng te dik taka kan kengkawh theihna turin remchang min siam sak a a tul ang ang a min tanpui a, thurawn te min pe a kan right chu min protect sak turin ka ngen che a. Tin, Speaker i nihna kawngah he House zahawm tak i kaihhruaina leh kan member te eng party ami pawh khawi bench a mi pawh an dikna a an right kengkawh tura hna i thawhna kawng tinrengah kei leh ka thawhpuiten theihtawpin kan thlawp dawn che a ni. Tin, vawin ah nian ka hrilh duh che a. Vawinah hian inthlanna tluang tak kan nei a, a lawmawm tak zet zet a, amaherawhchu eptu lampang party ami ten anmahni pawhin dik ni a an ngaih, an pawm tlat, mipui ten an thlanna pawm a, rinawmna thu an tiam hnu in he India ram ropui tak Constitution in a phut ang a, Constitutional obligation pawh ti duh lova an chhuak a he House zahawmna leh a thlangtu mipuite zahlohna an lantir erawh hi chu a vanduai-thlak a, a mizo lova, a Kristian lo bawka a, tin, an hotupa in a sawi te kha thu vanduai thlak tak a ni a, India rama mi pangngai chin chuan election hi rigging theih loh a ni tih an hre vek a, chutichung pawhin a thlangtu mipui te zahlova, Sorkar hnathawk hah taka inthlanna thla tam tak lo buaipui a fel taka hlen tute ring lo leh hmusita khatianga a rawn au chhuak kha a thinur thlak ka ti a, a vanduai thlak bawka a, chuvangin khatianga a rawn au chhuak kha Sorkar hnathawk election a thawktu zawng zawng Polling Officer te leh a ziaak tu zawng zawng thlengin, a chhiartute thlengin rin tawka lohna leh hmusitna lantirna a ni a.

Tin, bawm zawng zawng kha anmahni candidate leh an agent zawng zawng leh an counting agent zawng zawng ten an fel famkim e, rinhleih tur a awm love ti a an certified hma chuan tuman an hawng thiango in an chhiar thiang lo va, chutianga an tih vek hma chhiar vek a ni Pu Speaker, khuvangin anmahni ngei thutlukna pawh hmsuit a, an vote a tlem tak zawk avanga dawt phuah chawp a he House zahloh entir a khatia an chhuak leh mipui thlangtute zahlohna leh hmsuitna entirte leh Sorkar hnathawk hah taka inthlanna lo buatsaih a, sipai tam tak zalen taka a kal theihna tura lo buaipuitute, chung zawng zawng an rin loh zia leh an hmsuit zia entir a khatiang an chhuak ta kha a vanduaithlak chauh pawh ni lovin anmahni leh anmahni pawh in ringlo a, bawm chhiar hma a dik an tih kha an vote a tlem tak avangin diklo an ti ta mai a ni tih anmahni khan an hrechiang em em a ni.

Tin, hemi chungchangah dawt chitin reng Pi Lalhlmpuii bawm Burtlang khama an pah tih te hi mihring pangai tan chuan dawt muhlum a ni tih a hriat a. An thusawi dang zawng zawng pawh dawt a ni a, tin, he tamah hian rigging hi a rawn sawi chhuak hmasa tu chu P.C. hotupa a ni a. P.C. Party a rawn din chhuak hmam kan ramah hian rigging kan hre ngai lo, election vawi tam tak a awm tawh a ni. In lei tih te hi M.N.F. hotupa lo chhuah hmam he ramah hian a awm ngai lova, Pu H. Ram-mawi an lei te, Pu Liangura an lei te hi Mizoram mipui zawng zawng hriat a ni. Chuvangin a ti ve lo tute hi vawiinniah hian min chhuah fihlim san ni engemawti kawng zawng tak chuan a vanneihthlak ang reng a, he ram inthlanna atang hian fihlim hlen tawh phoi sela chuan trick bawh-hlawh a awm leh ngai dawn tawh lo a ni. Engpawhnise, ka pu, vawiinniah hian he chair zahawmtakah hian lungrual taka hnialtu tur pakhatmah awm mah lo a, tupawh a chuhbuai ngam loh a thlantlina i awm hi ka thinlung takin ka lawmpui che a, kei leh ka thawpuite chuan a tul ang zelin kan tanpui chein kan chhawmdawl dawn che a ni tih ka rawn hrih duh che a ni. Ka lawm e. (Kut an beng a).

* PU VAIVENGA : Pu Speaker, Speaker hmam zahawm taka thlantlin a i lo awm avangin kan lawmpui che a, 1975-ah khan Deputy Speaker niin Speaker-a min thlan tamin nangna hovin he House te nen hian min lo thlang tling tawh a. Vawiinniah hian ng nang experience nei he Mizoram Assembly U.T. kan lo nih atanga vawiinni thlanga inthlan apiang hlawhtling leh mipuite duhsakin he hmam pawimawh tak i rawn luah hi thinlung takin ka lawmpui che a.

Tin, Speaker hmam hi hmam pawimawh a ni a, Opposition lam te, keimahni leh House a Member hrang hrangte duhdan zaienna leh dikna humhmtu tur hleih nei lova he Mizoram roseina kaihrualtu tur i ni a, chutiang hmamah chuan mi experience nei kan han thlang tling che hi vanneihthlak hlein ka hria a. Tin, House

kaihhruai kawngah te, pawnsam thila he kan House zahawmna, Assembly zahawmna tur ang kawng zawng zawngah nang experience nei tawhin a he mi hmun pawimawh tak i rawn luah hian he kan House zahawmna hi a ti phuisuiin a ti zahawm zualin ka hria a. State dang te, Parliament te leh hmun hrang hrangah te pawh House hi inhnialna hmun ang deuh a a chan changte a awm thin a. Amaherawhchu hun kalta te kan thlir chuan Mizoram Assembly hi Assembly rorelna zahawm tak leh hlimawm tak mita hmuh hian a ni a. Chumi chu tun min kaihhruaina turah pawh hian kan kal chhoh zelna tur a ni ang tih ka ring a. Chuvangin, kan nihlawh thu te, kan lawmpui thu te ka hna sawi lang duh a.

Tin, tun lawka kan Opposition member-te chhiachham a an-mahni ngeina chhia an chhamna Mizo tawngin an chilper pawh a la reh lo ang tih ang deuh khan tunah an chilper pawh a reh hmaa tuna dan akalh ang zawng a an che leh mai leh India danpui dan anga din a ti nghet tur te, tiphuisui tur te in kan in tiam e an tizo chauh a, tuna he Assembly House a Speaker thlanna hun pawimawh taka an han chhuak leh thei te kha mak ka ti tak meuh a, an aw thangkawk pawh kha a la reh leh hmam khatiang anga thil an han ti duh kha a mak hlein ka hria a. Heng kan thil tih reng reng hi danpui a in nghat India dana inngah vek a ni si a, chumi thu tawite chu ka hna sawi ve a ni e. Ka lawm e.

* PU P.C.ZORAMSANGLIANA : Pu Speaker, vawiinniah Mizoram House zahawmtaka kaihruaitu tura chuhtu awm love thlantlin i ni hi ka thilung takin ka lawmpui che a. Helaia kan Speaker i lo nihnaah keini member te, Opposition an ni emaw, ruling an ni emaw kan zahawmna min humhimsak turin ka duh che a, Tun laiah a hman hmanin chanchinbute an chhuah tawh a, chungah chuan memberte chanchin nilo tak taka chhuahte hun kal tawhahte a awm tawh thin a. Chungah pawh chuan memberte zahawmna hi min humhim sak reng turin ka duh tak meuh meuh che a. Tin, helaiah member nih chauh duh a, nangmah helai Mizorana rorelna sang beru kaihruaitu tur kan thlantlinaah che pawh tel theilo khawpa bualat a awm ho nichina chhuak ta te kha an khawngaihthlak awm hlein ka hria. Mipuite an zirtir thin dan hi a reh tawh dawn emaw tih pawhin vawiinniah an ze panggai an lantir leh a. Kum 20 kal ta tawh a an zirtirnaah te chhuanlam a an tlanhhia a nih chuan tlok lamah kan kal tirawh u aw an tih thin anga kha vawiinniah he House chhungah ngei pawh hian an ti lang leh niin ka hria a. Chumi kan tihna chhan chu inthlanna kha a dik a ni tiin an pawm a, vawiinniah hian chhia an chham a, rinawm taka India dan leh inpumkhatna te, zalenna te vawngchim tirin tih tak zet a zawm tura an intiam zo chauh hnuin helai hmun atanga anmahni thlan tlinna ngei pawh diklo ti niawm fahrana an han chhuak ngat ngat a kha an tunhma zia kha an la pu niin a lang a, an khawngaihthlak awm hlein ka hria a. Amaherawhchu khatiang khan vawiinniah nangmah

thlantlin a i awm rual hian lawmpui thei lo che mahsela nakin zelah he House a member an nihna a chhia an chham ang ngeia an rawn tel ve hunah pawh i hma lawka Speaker ina he House a rorelna nuiza siamna hmuna a hmang ang mai hmang lo turin ka duh tak meuh che a. Kan hma lawka a Speaker zahawm tak khan he House hi nuiza siam nan a hmang a. Member te lawmna te vawng him tlat turin leh kan thusawite min hriatsak turin ka duhin ka sawm tak meuh meuh che a ni. Vawlin niah thlantlin i lo ni ta hi thilung leh tak zetin ka lawmpui che ani tih hi ka sawi duh. Chutih rual rualin experience nei tha mi hmase lamte han thilir ila hnunglam atanga lehkhabu lek va kan lo hmuhin kan lo thlamuan phahna kha hei vawlin niah chuan a thlamuan awm leh gualin ka hria a. Heng atanga in kaihruaina dap turah te a thlamuant-hlak hlein ka hria. Ka lawmpui tak zet a ni tih kan sawi a ni e. Ka lawm e.

* PU ZALAWMA
MINISTER

pu Speaker, vawlin niah he House zahawm tak miah chuhtr awm love thlantlin i ni hi lawmawm ka ti a, ka duhsakna sang ber ka hian che a, member ka nihna angin.

Hei Mizoram Assembly kan neihna a la rei love State puitlingah chuan. Kum 1952 atangin District Council kan nei a, hei vawlin ni thlengin he rorelna in hi hman chhon a la ni a. He rorelna in hi Kristian ram kan nihna angin zahawm taka cheibawl leh rorelna kenkawh a ni thin a. Etate dang tlang rama kan thenawm amf pawhin Mizoram rorelne khawl hi a zahawm tiin an lo sawi thin a, chutiang chuan vawlin niah zahawm takin thil a kal chho zel ang tih pawh i kaihruaina a zarah ka beisei tak meuh a ni. Tin, he tuna kan Sorkar thar din hi Pathian Reh a Kohhran tena tawngtaina a an dil chhuah tiin a ngaih loh theih lohva. Hun dangah chuan Kohhran hrang hrang ten thuchhuah siamir Kohhran mite hnenah thuchah an siam thin a. Kumin chu thuchah an siam bakah tawngtaina nen Bible chang chhira aivar zak zakin Zoram dung leh vangah tiang hian Kohhran miten thahnem ngaiin he Sorkar thar lo piang tur hi Pathian hman dilin vawlin niah hian a lo ding ta a ni a. Pathian min pek ani tih hriaa Zoram rorelna hi Pathian leh Kohhrante duh dan a kalpui tura Kohhran mite leh Pathian min pek a hi zahawm taka kalpui kan ngaiin kan Oppositio Party hruitu leh memberte chuan he House zahawm tak hi vawlin ni atang hian a ni lo zawnga puhmawhna an lo zawng a, Pathian zah lohna ah ka ngai a, ka rilru tak takin pawl ka ti hle a ni. Tin, mahnin a pawm si, mipuite pawm tir tum lo ang nun hi nun vannei an nih ka king love, an hawngaih-thlak hlein ka hria a ni. He laiah thian an awa, an in thlanna an bawm kha a awm si a, eangvinging mite kha an pawm loh tih kha zawhna lian tak a awm thei e. An selfish hle nge, mahni chauh tha a in hria a, miteg tha love in hriatna hi a Kristian love, a Mizo lo bak a ni. Pawl ka ti tak tak a, he rorelna hi Pathian leh Kohhrante min pek liau liau tuna mi pheh hi chu e bikin a niin Kohhran mite leh ringtute chuan an ngaih dan ngheet takah

ngaiin an sawi a ni a. Chuvang chuan tuna kan opposition member te a nilo zawnga helaiiah chhia an chham a ka member nihna hi he ram in thlanna January 21st a mi kha ka pawm a tiin kan Protest Speaker hmaan dan angin chhia an chham a, thutiam an nei a ni. Ka pawm leh love an tih a kha awmze nei lo a ni tih hi mipui zawng zawng in hria se ka duh khawp mai. Chuvang chuan he House zahawm taka Mizoram kalzel na kawngah leh hmasawnga kawngah kan tuihal na phuhruk tur a theihtawp a thawk tlanga bei tur kan nih laia hetiang a kawhmawh bawlna an tan hi a thlang tute mipui an zah loh bakah kan Sorkar hnathawktu Officer lian tak tak, Presiding Officer te leh Polling Officer te zahlohna leh chubakah anmahni ngei an party mi ngei Polling agent a an hman te leh helaiia Counting agent a an hman te kha an ring lo a ni a. Mahni mi pawh ring lo chu thil awmzia awm thein ka ring love. Chuvang chuan mahni mi leh sa pawh ring zo lo, he kan Sorkar Officer lian tak tak te pawh ring zo lo leh Polling Officer zahawm ta k tak te pawh ring zo lo, mihring nih nun a n chhawm a hi piantharna duhawm tak chang thei se ka duh khawp mai. Chu chu helai Speaker thar ka duhsakna ka hlan paha ka thu han sawi belh a ni e. Ka lawm e.

PU DR. H. THANSANGA
MINISTER

: Pu Speaker, tuna kar thiante ho kal chhuak ta te kha an chungchang thu member thenkhat ten an sawi tawh a.

Khang chungchang kha chu sawi leh tur awmin ka hre tawh love. Amaherawhchu a tak takah chuan lungawilohna tak tak an hmuh ka ring love. Amaherawhchu kan hun leh kan hma thil lo awmah hia danglamna (change) a lo awm hian kan buai fova. Chumi serhu lai chu an buaipui rih a ni mai a. Chuvangin tha takin kan kal ang tih ka ring a, an rilru tak takin thirurn leh lungnihlohna tak tak pawh an ne ih ka ring phal la. Lung-rual taka helaiia hna kan thawh tlan ka beisein ka sawm bawh a ni.

Tin, Pu Speaker, nei tuna sawi tuten an sawi tak ang kha he dinhmun pawmawh takah thlantlin i lo ni a. Chuvangin lawmawm ka tih pai bakah keini House member zawng zawng tan vanneih thik ka ti a. Kumkhat mai ni lo term khat lai Dy. Speaker ang experience lo nei tawh, tin a hnuah pawh member la ni renga, tin, a hnuah Minister te pawh lo ni tawh chuan min pahruai dawn a ni a. Chuvangin House zahawmna leh membarte chanya humhalna kawngah uluk tak leh chak tak min hrui ka beisei avangin lawmawm ka ti a. Tin, State pawnah kan Assembly aiawha i kalna ah te, ram pawnah te pawh a la ti ang, pathianin rem a tih chuan, chung hunah te pawh sawi tak leh zahawm taka he lai kan ram darthlalang i ni tih in hria a

thil i tih chhoh ka beisei em em bawk a. Tin, helai House zahawmna leh rorelna vawng tha tur chuan kan tan-rual a ngai a, nangah chauh mawhpurty i ni nilovin Pu Speaker, kan zavaiin kan tang dawn a ni tih kan House Leader in a sawi ang khan kei pawn ka sawi ve duh a. Amaherawhchu a bultum na erawh chu i kutah a awm dawn avangin chu tak chu a pawimawhin ka hria a. Miin engtinge min sawi kan hre vek lo na a, a dil lo zawng leh a fel lo zawngte pawh in min lo sawi tho tho mai thei a. Mizoram Assembly hi buaina awm lova kal chho zel niin ka hria a, chu tak chu tihchhiat a hlauhawm em em a. Chumi kawngah chuan i mawhpurhna lian tak hi kongkawhtlat turin dik tak leh huai taka dan thlawhchhana ding thin turin ka beisei che a ni. Thenkhatin thil an tihin tanchhan awm mang lova tih hi a awm thin a. Chutiang ni lova dan ang a thawhchhan fel tak nei a tih chuan tute mahin min hneh ngei lovang. Chutak chu helai dinhman pawimawh taka a din hian i rawn hriat fo tur niin ka ring in ka beisei a thlamuan thlak ka ti a ni.

Awle, hefiang a rorel tura kan in-khawm leh tak hian hnathawk turin kan awm a ni a. Mizoram kum 20 ram buai tawh, chumi tungding leh tura inbuatsaih mipuite aiawha fuankhawm te hian mipui leh mirethei te sorkar siam a, mi hnuaingungte chawikang tur thil helai atanga kan relchhuah theihna tura min kaihruaite fel leh rinawm tak tur kan neih che avangin lawmawm ka ti a. Kan thiltum hi kan putlin ngei ang tih ka beisei avangin ka lawm a ni.

PU VANLALNGENA
DY. SPEAKER

: Pu Speaker, tawi te kan sawi ve ang a. Hei, Speaker thlanna hi a pawimawh em em a, mahsela kan hotu thenkhat te an chhuak kba paw ka ti a. An chhuah nachhan a kha vote tihchingpen Sorkar kan tawm love tih lampangin an chhuak a. Mizoram inthlan hi 1966 atang khan Mizo mipuite hian hlauhna leh vauna hnuaiah kan inthlang thin ani. Tun inthlan hi Mizoram inthlan zawng zawngah mipui ten hlau lo leh ngaihtuahna fim tak hmang a roreltu an thlan vawikhatna ani. Tun hma chuan tute emaw kan hlau thin, remna hnu 1987 inthlan pawh khan mipui kan la zalen lo, kan tlin loh chuan kan ramhnuai leh ang. Mizoramah thing leh mau bak chu ding tur a awm lovang tih te kan hria ani. Tun inthlan ah hi chuan Pathian mahsawmna in mipui ten hlauhna nei lovin zalen takin tawngtaina nen inthlanna kan nei a, tun inthlan hi a lawmawm a. Kohran hrang hrang tawngtaina ah te pawh roreltu dik leh tha kan dil a. Chu Pathian, chhanna a ni a, a lawmawm a ni. Chutik karah kan hotutan zirtirna diklo mipuite thiplungah an tuh leh ta hi chu a vanduaithlak ka ti a. Hengah hian Pu Speaker, i ngaihdam a tul ang. Tunhma zirtirna zawng zawng kha ngaihtuah teh enge mipuite an zirtir thin kha. Independent ah hnam damna a awm e a changin an ti a. Chumi hnuaiah thinlung lam sawi pawimawh tute an ni. Kan Sorkar hunah chuan silai tang zawng zawng rambuai avanga silai tang-te kan pe ang tih zirtir thin a te thla 24 an Sorkar pawh

a pakhatmah pe lo zirtirna diklo hmanh thin a te an ni. Tin, rambuai avanga in leh lo kang zawng zawngte compensation kan pe ang, ipite a hi ka ak e, kawngkapui a kanin pek theih loh pawn tukverh -ah tal ti a zirtir thin a te an ni a. Chief Minister reitak an nih hnuah pawh la pe lova te an ni. Chutiang zel chuan darkar 24 chhung a Mizoram Independent theih dan zirtir a te an ni a, hei hi pawika ti tak tak a. Kan ram hi tianga kan hruai anih chuan khawiah mah kan hruai lovang. Zirtirna dik hi a pawimawh a ni. Zirtirna dikloh avanga kan ram tawrhna zawng zawngte kan hre vek. Tunah vote tih chingpen a ni ti a kawngzawh a thu diklo zirtirna intan leh hi a pawika ti a. Hei hi Pu Speaker, i ngaihdam pawh a tul ang. Tin, hengho kan hotute hian kan ram tan hian zirtirna dik an pe ngai lo, an zirtirna atang hian kan ram leh hnam hian hlep a nei ngai lo. Hnam damna zawnga hnam matna thlentute an ni. Hnam hausakna min tiam a retheihna khur a min la luz tute an ni thin tlat mai hi a pawika. Chuvangchuan tuna Session kan tan a bul an tan dan pawh hi a pawika tak tak a ni. Sorkar in mipui rorelna 1984-ah min pe a, Pathianin Congress hmanh in remna a seng. Kan ram in remna nei se tih kan duh lai a bul an tan dan hi a pawika ti tak tak a ni.

Ka lawm e.

* PU LIANSUAMA

: Pu Speaker, tawite lawmpuina ka sawi pahin thu kan hnih khat lek sawi duh ka nei ve a. Hetia Speaker a kan han thlang tling che hi kan House Leader in a

sawi ang khan leh thiante dangin an sawi ang kha thlawpin thinlung tak takin ka lawmpui che tih he House-ah hian tarlan ka duh a. Amaherawhchu, chutih rual chuan tunhma 1972 atang a term tina tling chho zat zat inih mai bakah kan hun kal tawh a he House a kan in hnialna thinah te min kai-hruaitu debator mai bakah ovator ropui kan chan che a hi ka ui hle che a ni. Chuvangchuan ka lawmpui rual chein ka ui bawh che a, amaherawhchu, nihna sang zawk anih avangin ka lawmpuina che a sang zawk a. Kawng dang lehah chuan Congress Party hi hnam tlem zawk te tan a a thlamuanthlak zia a lang chiangin ka hria. M.N.F. hruaitu pain a India Sorkar nen a remna a siam tum khan hnam tlem zawkte duhsak leh humhalh an ni ang tih a ziak a. Tin, chubakah chuan nikum leh kumin Manifesto-ah chu bawh chu an tarlang leh a, M.N.F. Sorkar-in hnam tlem zawkte an duhsak dan kha a mak em em a. Pu Speaker, i tawngkam takin khawngaihna mak tak a ni. District Council thiah tum phet te, Council Member lei te, tin, arte-tuidam run a ~~na~~ an thiah sak te kha hnam tlem zawkte humhalh dan lo ni rengin. Amaherawhchu, Congress Party erawh chuan tuna kan Sorkar din danah leh Speaker a i lo din dan-ah te hian huat thu nilo sela Congress Party-ah hian chitin hnamtin kan lenza leh duhsak an hlawh zia alang hi ropui ka ti tak tak a ni. Tin, kan thian tuna min chhuahsan ta te kha Pu Zualthauva tawngkam takin ka ti ang an tih hi ka ti lovang an tihna anih thin avangin vawin a

Rigging Sorkar an tih a kha rigging a awm loh zia an lan-
tirna zawk a ni. Chuvanghuan Independent tum hawt si
lova tum anga in sawi a, min that min thattu a te kha
an ni a. Chuvangin Rigging Sorkar an ngai lo tawp a ni.
Kan ti ang an tih chu kan ti lovang an tihna anih thin
avangin. Tin, chumi zulzui chuan MLA-ah chhia an chham
te te a. He Sorkar atanga an hmuh tur ang an hlawh te
chu la lo zui nghal se, a thawven thlak in ka ring. Tin,
chutiang zelin kan Sorkar zara mipui rawngbawl kan ho-
tuten an tumna a azarah tanpuina hrang hrang leh Sorkar.
hna thleng pawhin duhlo ziktluak nghal tur a ni ang.
Land Use Policy a ni emaw, Rangva inchung chung changa
Sorkarin tanpuina a ruahman mek pawh hi an duh lo tur
a ni ang. Tin, chu mai bakah chuan kan hotu, Minister
te thleng pawhin in pe lo ngam tur a ni ang.

Ka lawm e.

PU F.MANGHNUNA

: Pu Speaker zahawmtak, vawiin
niah Mizoram rorelna khawh sang
ber a Head ni thei tura thlan-
tlin i ni hi Minority Community
ka nihna angin he House-ah hian

lawmpuina te ka pe duh che a. He Congress Party hian
hnamte nau zawkte min rahbeh loh zia leh min thliar loh
zia a lang Chiang hle in ka hria a, ka lawm tak zet a ni.
Tin, hemi Mizoram rorelna khawh sang ber a a Head ni
thei tur a dahtu che member te leh kan Chief Minister
zahawmtak leh Minister zahawmtak te hnenah lawmthu ka
sawi nghal bawh a. Tin, kang Opposition member te kan
ti thei tawh ang chu khan chhia an chham ve tawh a an
chhuak ta a, anmahni mawng an hlim mai niin ka hria a,
i ngaihdam pawh an tulin ka hria. Martial law hnuaiah
lo chuan rigging a awm thei lo. Godrej type ballot box
hman-naah rigging a awm thei lo a ni. Martial law Admi-
nistration hnuaiah erawh chuan rigging hi a awlsam viau
a, kan thenawm Burma ramah te chuan thei-ah an thlak
mai a ni. Arakan lama in thlan dan te pawh kan hria a.
India rama Godrej type ballot box inthlanna-ah hian rig-
ging a awm thei lo ang a ni. Vawiin ni a an thiltihah
hian an election agent te leh an counting agent te a dik
ngei a ni i chhiar ang u titute kha an condemn a, a diklo
a ni an tihna ang a nih kha. Chuvangin, ka hmaa member
zahawm takin a sawi ang khan rigging a awm tak zet a ni
tih an pawm a nih chuan an member nihna kha an bansan
ngam turah ka ngai. Ka lawm e.

* PU ROKAMLOVA
MINISTER

: Pu Speaker, hei thiante khan
lawmpuina tam tak an sawi tawh
a. Sawi leh ngai pawhin ka hre
lova. Vawiin niah hianin nangma
tawngkam ngei hman ka duh a.

Democracy ropuina a lo lang a, kumkhua pawh a piannawn
leh theih a ni si lova. Assam Rifle pawh a tling ngai lo
tur kha tunah erawh chuanin dinhmun sang tak, he lai

House a min hruaitu tur i lo ni hi ka lawmpui takzet che a. Democracy ropuina a ni a. Amaherawhohu, lai lung siam tu hian tehna fel tak a lo dah a, ropui ber chhah hiam ber te anni ang tih kha vawlinnia-k hian a duk thawpin ka hria a. Tin, remna siam lai khan nangse tawngkam ngei an talh tawh Beram a peui leh a lian i hian ngam lova, a Beram ah pawh a te ber kha ka ni e f. Si te kha ka ngaihtuah chhuak a, vawiin hian chung zawng zawng chu keimahni duh thu reng ni lovin hun kal an a hrohhuah chu ka thilung a ka ngaihdan chuan Pathian kalsaw na a ni tih i hriat ka duh a. Chutichuan Speaker dinmun zahawm taka i awm lai khan fuihna chah ve che ka dah a. Member 40 te chungah hotu niin Zoram rorelna khawl enkawlin Executive Power, lal dan indawtah pawh lal ber dawttu dinmun a lo ding i nih hian i ngaihtuahna a sar chang te awm mahsela, Alpha leh Omega zawng lo invuah lo hram turin ka ngen a che. Chung ang hunah pawh chuan a siamtu Pathian leh mipui te hrerengin dikna in rorelin i biak rawn chu kan Pathian nise, rawng i bawl tum chu Mizoram mipui te ni mawlh rawh se tih hi ka fuih ve duh che a ni e.

Ka lawm e.

S P E A K E R : Pathian leh mipuite duhsakna dawngin vawi ruk lai thlantlin lo ni tawh mahila, he dinmun ropui tak leh sang takah hian ka la ding ang, he Chair ah hian hotu ber niin ka la thu ang tih mumang pawh a ka la mang phak loh Pathian leh hotu te leh member tam zawk te duhsakna change he thutna a ka lo thu ta mai hi ropui ka ti a. Tin, a dinmun san leh a ropuina lam ai maha min tilawm tu chu, member ten a tih takzet a min lawmpui hi a ni. Chu chuan min tilawm takzet a. Nichinah khan kan Leader of the House leh member zahawmtak leh kan Minister zahawm tak te khanin tanpui min tum thu te an sawi chhuak a. Chu chuan min ti thlamuang em em a. Thingfak hi amah mai a alh thei lo ang bawkin tumah hi mahniin kan alh chhuak thei lo a ni. Kan tanrualin kan alhchhuak dawn a, chu kan alhchhuahna chuan Mizoram leh hnam hi min ti alh dawn a. He rorelna in hi a ti zahawm dawn a ni, tih ka hriatin a thlamuan thl k hle in ka hria a. Tin, chumi tipuitling tu tur chu Pathian a ni. Chuvangin tanrualna leh inlungrualna kan mamawh dawn a. He House-ah hian lal ber angin min dah mah ula, ka lal ber dawn lova. He dan hi a lal ber dawn a ni. Chuvangin kan kal chhoh zelna turah kan dan hi a thafamkim lo mahse, kan la hman hrih tur a nih avangin he dan hi a lal ber dawn a. Chu chu hria in he dan hi in lo zir a pawimawh dawn a ni. Vawiinah hian engemaw avangin kan Opposition ten min chhuah tauh san a, a pawh hle a ni. Chhuak lo sela an chungah lawmthu sawi ve bain ka in hria a. Speaker te chuh ngai lova min han dah te hi ropui ka ti a, an thlawngaihzia an lantir ve niin ka hria a. Chuvangin awm lo mahsela an hnenah lawmthu kan sawi angah ngai ila. He House-ah hian Mizoram leh hnam dinna tha, rorelna tur avangin a zahawmna h hi kan humhalh a ngai dawn a. India ramah kan hriat ve tawkah Mizorama rorelna hi a zahawm ber te zing a mi a la ni rih a ni. Chu a zahawmna chu humhalh a ngai dawn a, chumi ti tur chuan

inlungrualna kan mamawh tak zet a, Pathian kan hmasak tir ang a, he ram hi kan hruai dawn a ni. Pathian kan lamah a tan chuan tukan min do thei lovang. In rilru tak tak a min lawmpui avang hian in zavai a chungah leh Pathian hnenah lawmthu x kan sawi nawn ve a ni.

Tuna kan tih leh tur chu Deputy Speaker thlan a ni a. Deputy Speaker ni tur hian candidate dang kan nei lova, candidate pakhat chauh kan hmu a, chu chu kan chhiar chhuak ang a.

Under sub-rule (2) of Rule 8 of the Rules of procedure and conduct of Business in Mizoram Legislative Assembly, I give notice of my intention to move the following motion in the House on the 30.1.1989.

" That Shri VANLALNGENA, a member of this House, be elected as the Deputy Speaker of this House".
I have ascertained that VANLALNGENA is willing to serve as Deputy Speaker, if elected.

Hei hi Pu Lalbiaka'n a rawt a, chu a rawtna chu dan ang thlapin Pu Vaivenga'n a pui a ni. Rawtna dang kan hmuh loh avangin Pu Vanlalngena chu chuhtu awm lovin Deputy Speaker a thlantlin a ni tih ka puang e. (Member hovin kut an beng a). Tunah Pu Vanlalngena amah hetah lo kalin kan chibai a nge. Thil pawimawh pakhat puan tur kan nei a, chu chu B.A.C. (Business Advisory Committee) kan tih kan rorelna programme min siam sak ti, tur committee kha member paruk (6) Chairman, Speaker nen paruk nih a ngai a, panga (5) te chu chhiar chhuah a ngai a, chu chu khawngaih takin min lo ngaih-thlaksak ula, a awm lo te pawhin hrih chhawn nise.
1. Dr. H.Thansanga Minister i/c Parliamentary affairs
2. Pu Liansuama M.L.A. (3) Pu Bawihluanga, M.L.A.
(4) Pu J.H.Rothuama, M.L.A. (5) Pu Zosiama Pachuau M.L.A.
heng mite hi B.A.C. member te an ni. Dar 2:00 - ah Speaker room-a in hmukhawn tur a ni a, tuna kan chhuah hian inhmukhawn zawk ila a tha a nge, a tlai loh nan. Tuna kan chhuah hian kan inhmukhawn ang, ka room a Speaker room-ah. Aw le vawiin atan chuan kan programme vawiina kan tih tur chu kan za ta a, naktuk dar 10:30 ah rorel leh tur a kalkhawn leh turin i haw darh rih ang u.

House adjourned at 12:15 P.M.

* Speech not corrected.

J.K.KHENGLAWT
Secretary.